



БАРУУНБҮРЭН СУМЫН  
АРДЧИЛСАН НАМЫН ХОРООНД

СЭЛЭНГЭ АЙМАГ ДАХЬ  
ТӨРИЙН АУДИТЫН ГАЗАР

213200 Сэлэнгэ аймаг, Сүхбаатар сум  
Цагаан Эрэг II баг  
Утас: 7036-3040 Факс: (976)-7036-3040  
E-mail: Selenge@audit.gov.mn

2020.07.30 № 027-2020/04-НД-21  
танай \_\_\_\_\_ -ны № \_\_\_\_\_ -т

Сонгуулийн мөрийн хөтөлбөрийн  
дүгнэлт

Төрийн аудитын тухай хуулийн 6 дугаар зүйлийн 6.3, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5-д заасан Төрийн аудитын байгууллагын бүрэн эрхийн хүрээнд Баруунбүрэн сумын иргэдийн Төлөөлөгчдийн Хурлын сонгуульд оролцох Баруунбүрэн сумын Ардчилсан намын хорооны сонгуулийн мөрийн хөтөлбөрийг хянаж, дүгнэлт гаргалаа.

**Үүрэг хариуцлагын талаарх мэдээлэл**

Баруунбүрэн сумын иргэдийн Төлөөлөгчдийн Хурлын сонгуульд оролцох Баруунбүрэн сумын Ардчилсан намын хороо нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль болон “Алсын хараа-2050”-д нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцооны хамт ирүүлж, хуульд заасны дагуу дүгнэлт гаргуулах үүрэг хүлээнэ.

**Сонгуулийн мөрийн хөтөлбөрийн дүгнэлтийн үндэслэл**

Сэлэнгэ аймаг дахь Төрийн аудитын газар нь аймаг, сумын иргэдийн Төлөөлөгчдийн Хурлын сонгуульд оролцох нам, эвслийн сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Тулгуур зарчим, Төрийн аудит MNS 6817-6:2020 Нийцлийн аудитын зарчим, Төрийн аудит MNS 6817-8:2020 Нийцлийн аудит стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Монгол Улсын нэгдсэн төсвийн 2020 оны төсвийн хүрээний мэдэгдэл, 2020-2022 оны төсвийн төсөөллийн тухай хууль болон “Алсын хараа-2050”, холбогдох бусад байгууллагаас авсан мэдээллийг шалгуур болгосон.

## Дүгнэлт

Баруунбүрэн сумын Ардчилсан намын хорооны Баруунбүрэн сумын иргэдийн Төлөөлөгчдийн Хурлын сонгуульд оролцохоор ирүүлсэн сонгуулийн мөрийн хөтөлбөр, түүнд орсон зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.3 дахь хэсэг, “Алсын хараа-2050”, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

Баруунбүрэн сумын Ардчилсан намын хорооны мөрийн хөтөлбөр /д./ хуудас /-/ ийг хавсаргав.

Хувийг: Баруунбүрэн сумын Сонгуулийн хороонд

ДАРГА, ТЭРГҮҮЛЭХ АУДИТОР



Ч.ЭНХТУЯА

7/08/2020  
MCSA0065 0055436

## СЭЛЭНГЭ АЙМГИЙН БАРУУНБҮРЭН СУМЫН 2020 ОНЫ ИРГЭДИЙН ТӨЛӨӨЛӨГЧДИЙН ХУРЛЫН СОНГУУЛЬД ОРОЛЦОХ БАРУУНБҮРЭН СУМЫН АРДЧИЛСАН НАМЫН МӨРИЙН ХӨТӨЛБӨР

Баруунбүрэн сумын Ардчилсан намын мөрийн хөтөлбөрийн гол зорилт нь ардчилсан намаас дэвшүүлсэн "Монгол өрх хөгжлийн бодлого 2020" хүн бүрд орлого, өрх бүрд өсөлт мөрийн хөтөлбөрийн хүрээнд эдийн засаг, нийгэм, засаглалын З тулгуурт бодлогыг хэрэгжүүлэн төрөлжсөн эдийн засагтай, чанартай, хүртээмжтэй, нийгмийн суурь үйлчилгээг үзүүлсэн шударга засаглал бүхий улсын тэргүүний сум болоход оршино.

### Нэг. Хүртээмжтэй эдийн засаг

Тус сумын гол үндсэн үйлдвэрлэл болох газар тариалан, мал аж ахуй чиглэлээр үйл ажиллагаа явуулж байгаа иргэн аж ахуй нэгжид бүх талын дэмжлэг, туслалцаа үзүүлэх, Засгийн газрын 2019 оны 131 дүгээр тогтоолыг хэрэгжүүлэх ажлын хүрээнд эрчимжсэн мал аж ахуй, газар тариалангийн бүс нутаг болгон хөгжүүлэхэд гол анхаарлаа хандуулна.

- 1.1. Тус сумын 1-р багийн нутаг дэвсгэрт байрлах шашин номын төв Амарбаясгалант хийдийг зорин очих сүсэгтэн олон болон гадаад дотоодын аялал жуулчлалын тоог нэмэгдүүлэх зорилгоор тавигдаж эхэлсэн Дархан-Эрдэнэт чиглэлийн хатуу хучилттай авто замаас Амарбаясгалант хийд хүртэлх 33,4 км авто замыг ашиглалтад оруулах асуудлыг холбогдох байгууллагад уламжлан шийдвэрлүүлнэ.
- 1.2. Орон нутгийн хөгжлийн сангийн эх үүсвэрийг ашиглан төр төсвийн байгууллагын цэвэр усны болон бохир зайлзулах нэгдсэн байгууламжтай болно.
- 1.3. Сум хөгжүүлэх сангийн эх үүсвэрийг зүй зохистой ашиглан хүн бүрд орлого, өрх бүрд өсөлт зорилтын дагуу иргэдийг жижиг дунд үйлдвэрлэл эрхлэх боломжоор бүрэн ханган хүнсний ногоо даршлах, нөөшлөх, савлах, жижиг оврын тоног төхөөрөмжөөр хангах асуудлыг бодлогоор дэмжиж ажиллана.
- 1.4. Газар тариалан эрхэлдэг аж ахуй нэгжийн тариалангийн талбайг бүрэн хашаажуулж, малчид тариаланчдын хоорондын зөрчлийг арилгахын зэрэгцээ хоорондын уялдаа холбоог сайжруулж, тэжээлийн ургамал тариалахад зөвлөн тусална.
- 1.5. 2016-2020 оны үйл ажиллагааны хөтөлбөрт тусгагдсан малгүй өрхийг малжуулах ажлыг үргэлжлүүлэн өрх бүрийг бүрэн малжуулах зорилт тавин ажиллана.

### Хоёр. Нийгэм

- 2.1. Сумын төв, гэр хорооллын хооронд зам засварын ажлыг хийж, усжуулах фермийн хороололд үерийн далан шинээр барьж байгуулах асуудлыг холбогдох байгууллагад уламжлан шийдвэрлүүлнэ.

2.2. Ерөнхий боловсролын сургуулийн өргөтгөлийн барилгын асуудлыг холбогдох байгууллагад уламжлан шийдвэрлүүлнэ.

2.3. Сурагчдын сурхай орчныг сайжруулан, багш нарын ур чадвар, багшлах боловсон хүчнийг тогтвортой суурьшилтай ажиллахад анхаарч, сурагчдын сурлагын түвшнийг дээшлүүлнэ.

МЮА0065 9055436

2.4. Соёлын төвийг мэргэжлийн хөгжмийн болон бүжгийн багштай болгож боловсон хүчнийг чадваржуулахад анхаарна.

### Гурав. Засаглал

3.1. Иргэний эрх, эрх чөлөөг хамгаалж хөгжлийг дэмжин, авлигаас ангид ажиллах чадвартай засаг, хүн бүр ажил албанаас үл хамаарч хуулийн өмнө хариуцлага хүлээдэг, мэргэжлийн хүртээмжтэй, цахимжсан нийтийн албыг бэхжүүлж шинэчлэл хийн орон нутагтаа бүтээлч, бүтээгч засаглалыг бий болгоход анхаарч ажиллана.

3.2. Малын хулгай болон бусад гэмт хэрэг гарах нөхцөл шалтгааныг судалж гэмт хэрэг гарахаас урьдчилан сэргийлэх ажилд олон нийтийг татан оролцуулж, малчдыг бүлгийн зохион байгуулалтад оруулан, дундын сан бий болгон малын хулгайтай тэмцэх ажилд дэмжлэг үзүүлнэ.

3.3. Байгаль орчныг хамгаалах тухай хуулийг хэрэгжүүлэх зорилтын хүрээнд ойн нөөцгүй сумдад олгогдох түлшний болон хэрэглээний модны хуваарийг багасгах тухай саналыг дээд шатны байгууллагад уламжлан шийдвэрлүүлж ойн мэргэжлийн байгууллагад тавигдах шалгуур үзүүлэлтийг хангасан ногоон эдийн засагт суурилсан, аливаа үйл ажиллагааг дэмжинэ.

3.4. Байгаль орчинд ээлтэй, эдийн засгийн байнгын өсөлтийг хангасан ногоон эдийн засагт суурилсан, аливаа үйл ажиллагааг дэмжинэ.

Баруунбүрэн сумын Ардчилсан намын хороо

